

Athör ë rou cî Paulo gät kôc gen Korinth

Wet nom

Athör ë rou tènë kôc cî gam gen Korinth, ee get Paulo wäär cî wël wääc kam akut kôc cî gam kek ye. Kôc kôk kam akut kôc cî gam yic aake ye Paulo lek guöp wël rec apeî. Ku acî Paulo nyuöth ke lôn wïc yen ye bî ben döör ke ke, ku acî puöu miet apeî wën cî yen rot looi.

Abaj tuej athöör yic, Paulo ë jam cieenge kek akut kôc cî gam gen Korinth. Ku têt ke kën get yen athöör wäär ke tue puöu apeî. Ku lek ke miet ë piände rin pel ë wet piny, ku döör kamken cî wël cî lek ke athör kënë yic cöl aloi rot. Ku jöl lek akut kôc cî gam bik kôc njöj cî gam pan Judia aa kony ë puöu ëbën. Ku wën jöl wël wicke bî ke lueel thök, Paulo acî rot ben kony tènë kôc kôk Korinth ye lueel lôn kek atuuc ayic, ku lôn cî Paulo ye atuny la cök.

Käk tö thin

Wet Nhom 1:1-11

Paulo ku akuut kôc cî gam gen Korinth 1:12-7:16

Kuöony rin kôc cî gam Judia 8:1-9:15

Paulo ë rot kony lôn ë yen atuuc ayic 10:1-13:10

Thök ë wël 13:11-13

1 ¹ Athör kënë abö tènë Paulo, atuny Jethu Kritho ë wet wïc Nhialic, ku wämääthda Timothî ku tènë akut kôc cî gam gen Korinth, ku tènë kôc kôk ë Nhialic ëbën reer pan Akaya.

² Bî Nhialic Wäda ku Beny Jethu Kritho we yiék dhëej ku döör.

Paulo ee Nhialic leec

³ Leeku Nhialic Wun Bänyda Jethu Kritho. Yen ë Wädan lir puöu tènë yo ku yen ë yo deet puöth käreec yiic akölaköl. ⁴ Ee yo deet puöth käreec yo yök yiic, rin buk lëu aya buk kôc kôk aa deet puöth kâracken yiic. Aayeku ke deet puöth cit te ye Nhialic yo deet puöth thin. ⁵ Ku cit lôn ye yok gum aya rin wet Raan cî loc ku döc, yen ë tede aya, Nhialic ë yo deet puöth käjuéc ril yiic apeî akölaköl. ⁶ Na guumku, ke rin bî we deet puöth ku luäk we, na deet yopuöth ke rin bî we deet puöth, ku gem we riel ye wek gum cimën te ye yok käj guööm thin aya. ⁷ Wek aa njöthku apeî, rin anjicku lôn guum wek cimënda, këya yok aabi deet puöu rom yodhie.

⁸ Miethakäi, awicku bäk käreec cî yo yök wäär reer yok pan Athia njic. Käreec ke cuk yök aake dit apeî ciet ke cuk bî lëu buk ke guum, yok aa yo cî yonhiim njiec wei ë pierda. ⁹ Acuk yok lôn cit yok kôc cî tem thou. Ku kënë acî rot looi bî nyuöth yo lôn acie rielda yen njöthku, ee riel Nhialic raan kôc cî thou jöt. ¹⁰ Acî yo puööt bei käk ke duër yo nök yiic, ku abi yo kony. Ku njöthku lôn bî yen yo ben kuöny bei, ¹¹ cimën cî wek yo kony ë röökun. Këya, röök juéc bî looi ë rienkua aabi Nhialic dhuk nhiim ku döc yo, ku kôc juéc aabi Nhialic leec rin këpuöth cî looi tènë yo.

Paulo acî kenyde waar yic

¹² Anjicku yopuöth kuat käk yeku ke looi pinyhom ë ten aa yeku ke looi puön yer cî Nhialic gam yo. Ku ë yen kënë yo cöl anjic reer kek we. Ku yen aloiku dhëej ë Nhialic, acie njieec kaj tö ke raan. ¹³⁻¹⁴ Wek aa ya gät käk leukë bäk ke kueen ku detkë keyiic. Ku na cök amën cî wek wëlkä ye deet ëbën, ka ya njöth lôn njot bî wek ke deet yiic ëbën, rin na ye aköl le Bänyda Jethu dhuk ke wek aabi nhiam rienkua cimën bî yok nhiam ë we.

¹⁵ Rin njic yen ye lôn bî wek welkie deet, aca guiir tuej ba la tènë we bäk det ben yök. ¹⁶ Rin ë ca guiir ba tääk tènë we te le yen Mathedonia, ku te le yen dhuk aya, ku bäk ya cöl ala Judia. ¹⁷ Wäär guiir yen kenydie këya, ye nyooth lôn cî yen ye wïc ba dhiel looi? Te guiir yen kë wiéc ba looi cä ye yiék yanhom? Tedë ya ke guiir cimën kôc pinyhom ë ten, kôc ye lueel, “Yee,” Ku gokë lueel, “Yei, yei,” Nyin yic kedhie? ¹⁸ Cimën njic yok ye alanden lôn Nhialic ë wetde tieej nom, kë ca thön we ecie “Yee,” tedë ke ye “Yei.” ¹⁹ Rin Wën Nhialic Jethu Kritho ye yok wetde lek we yok Thilath ku Timothî, ë këc ben ke ye puöu rou, ecî ben ke ye puöu tök. ²⁰ Na cök la käjuéc cî Nhialic thön ka tök rin Raan cî loc ku döc, rin yen ë käk cî Nhialic ke thön tieej nhiim. Ku ayeku lueel ë rienke, “Yenakan,” te leec yok Nhialic. ²¹ Ee Nhialic yen ë yo looi

yodhie buk aa tök kek Raan cī lōc ku dōc. Acī ʒo dōc, ²² ku yīk ʒo kinden ye ʒok kacke, ku tēu Weike ʒopuōth bī nyooth lōn ye ʒok kacken bī kāk cī tōōu ʒōk.

²³ Na ye lueth yen lueel, ke Nhialic abā tem awuōc. Wet kēc yen ben la Korinth ē rin cīi yen ye wīc ba we col aben gum. ²⁴ Acuk wīc buk we māk kē bāk gam. Aņicku lōn wek aa ril ē gamdun yic. Wek aa konyku ke rin miet ē piāndun.

2 ¹ Kēya, aca ben tak ba cīi bō tēnē we rin bī cien kēreec det ben rot looi. ² Rin na cal we aa riāāk puōth, ka cīn raan det cī dōņ bī yen col amit puōu, rin aa wek aca rac puōth. ³ Ku cīt lōn yen tēnē cī yen we gāt athōōr thīn, yen acīi bī ben, rin aya ʒōk ke ʒa bī riāāk ē puōu ʒōk, te ya tak ke ʒa bī kē col ʒa amit puōu ʒōk thīn. Ee njeec alanden, kē bā col amit puōu abī we col amit puōth aya. ⁴ Wāār get yen we athōōr, yen a ʒa rem puōu apei aba ya dhiau, ku kēn luōi acie lōn bī yen we rac puōth, ee rin bāk te nhieer yen we thīn apei nje.

Pel wet piny tēnē raan cā awuōc looi

⁵ Na cī raan awuōc looi tēnē raan det, ka kēc looi tēnē yen ē rot, ee tēnē we rin acīt kē cī looi tēnē we cōk cīi ye we ēbēn. (Alueel kēlā rin acā wīc ba jam ē wet kēnē yic apei.) ⁶ Ee tēde yen te cī kōc ʒuēc kamkun raan kēnē weet thīn. ⁷ Ēmēn kēya, wek aa dhil wet pāl piny tēnē ye ku deetkē puōu rin bī puōu cīi pek wei bī jāl ē gam yic. ⁸ Kēya, wek aa ʒōōk bāk col aņic lōn nhieer wek ye. ⁹ Wek aaca gāt athōr kēnē rin ē wiēc ba nje lōn ye wek wēlkien ca lek we gam ēbēn. ¹⁰ Na le raan tōņ pel wek wet piny tēnē ye, ke yen apel wet piny tēnē ye aya, te le yen awuōc cī looi dhiel pāl piny tēnē ye ayic. Aya looi ē rienkun ke Raan cī lōc ku dōc daai kē tō ʒapuōu. ¹¹ Yen ē kēnē looi rin bī Beny jakrec riel cīi ʒōk bī luōida rac, rin teden yen luui thīn aņicku apei.

Dieer ē Paulo gen Troath

¹² Wāār ʒēet yen gen Troath ba Wet Puōth Yam ē Raan cī lōc ku dōc ben lek kōc, ke ʒōk lōn cī Beny Jethu dhēl ē luoi nany thok. ¹³ Ku yen ē ʒa cī dieer apei rin kēc yen wāmāath Tito ʒōk. Guo kōc tōōņ ku bar Mathedonia.

Riel ye ʒōk tēnē Raan cī lōc ku dōc

¹⁴ Lecku Nhialic! Ee ʒook wat nhīm akōlakōl buk tiam rin Raan cī lōc ku dōc. Nhialic ē ʒo luōi bī njeec rin Raan cī lōc ku dōc piny thōņ yic ēbēn cīmēn miōk njeer apei. ¹⁵ Rin ʒok aa cīt adōņ njeer mit ye Raan cī lōc ku dōc gām Nhialic, adōņ njeer ē thiēi piny kam kōc luek Nhialic, ku kōc mār. ¹⁶ Tēnē kōc kōk ē nūac reec ē thou beei, ku tēnē kōc kōk ē nūac mit ē pīr beei. Yeņa lēk ye bī kēnē looi? ¹⁷ ʒok aacīi cīt kōc ʒuēc kōk wet ē Nhialic looi bī kek aa la lim. ʒok aa wet ē yic lueel ē Nhialic nhom, rin ʒok aa kōc Raan cī lōc ku dōc, ku ē Nhialic yen acī ʒo tooc.

Kōc lui ē Dōōr Yam

3 ¹ Yakē tak lōn ʒok aa ben rōt lek we? Acie tēde. Kōc kōk athōr lōōm tēnē we bī kek rōt la nyuōth kōc kōk, ku kōc kōk aa athōr beei tēnē kōc kōk bī kek rōt ben nyuōth we. Ku ʒok acie wīc athōr cīt kākā. ² Aa wek athōrdan yeku muk, cī gōt ʒopuōth bī raan ēbēn njeer ku kueen. ³ Wek aa cīt athōr bō tēnē Raan cī lōc ku dōc. Akēc Raan cī lōc ku dōc gōt galam, acī gōt Wēi ē Nhialic pīr. Akēc gōt aleel pat yiic kōth, acī gōt ʒopuōth.

⁴ Alēuku buk kākā lueel ke ʒo njeer Raan cī lōc ku dōc ē Nhialic nhom. ⁵ Acā lēu ba lueel lōn ʒok aa la riēda ē rōt ye ʒok Nhialic luōi. Riel ye ʒok ye luōi ayeku ʒōk tēnē ye. ⁶ Yen acī ʒo yiēc riel ye ʒok kōc lui rin dōōr ē yam kek ye, dōōr ē Wēi cīi cīt lōņ cī gōt. Lōņ cī gōt ee thou beei tēnē kōc, ku Wēi ē pīr beei.

⁷ Lōņ ēcī gōt aleel pat yiic kōth, ku diik Nhialic ēcī rot nyuōth wāār gem ye. Na cōk a wāār cī ruel Nhialic yen cī Mothith paat piny ben jāl amāāth, ke nōt ril apei bī kōc Itharel cīi lēu bīk Mothith dōt. Kēya, na ye lōņ thou beei, tēnē kōc yen luui kōc yen ben kek diikdīt cīt kēnē, ⁸ ke diik luoi Wēi cīi bī dīt apei! ⁹ Na ye lōņ dōōr theer kōc col atēm awuōc la diik, ke ye diikdīt yīndē bī lōņ dōōr yam kōc col aala cōk tēnē Nhialic beei! ¹⁰ Ee yic, lōņ dōōr theer acīn kēpuōth bī ye thōōņ kek lōņ dōōr yam. ¹¹ Na ye lōņ dōōr theer cī guo ben liu la diik, ke ye diikdīt yīndē bī dōōr yam cīi bī kaņ liu beei!

¹² ʒok aa cie riōc te jieem ʒok rin le ʒok nōth lōņ dōōr yam la diikdīt akōlriēec ēbēn ¹³ ʒok aacīi cīt Mothith wāār yenyin kum bī kōc Itharel diik Nhialic cīi njeer te jīel yen thīn amāāth. ¹⁴ Keek aake cī muōr puōth. Agut cīt ēmēn kēn ke col aacīi kaņ njeer aņoot te kueen kek athōr lōņ theer, kēn ke muōr puōth aņoot tō thīn. Ku aye nyaai te met raan rot Raan cī lōc ku dōc. ¹⁵ Agut cīt ēmēn get yen athōr, te kueen kek lōņ Mothith, kēn ke muōr puōth bīk kaņ cīi njeer aņoot thīn. ¹⁶ Ku kēnē aye nyaai te met raan rot Beny. ¹⁷ Ku Beny

ye lueel ë wëlkä yiic ë Wëi. Ku te rëer Wëi Beny thïn, lääu nhom ë tō thïn. ¹⁸Diik Nhialic ayeku nyuōth rin cïn yen kën yo muör puōth. Ku Wëi Beny ë yo looi ëbën buk ciet ye, ku dieckde ë rot juak, kënë ë luoi Wëi ë Beny.

Riel Nhialic gupkuan cīt tōny cī cuëec tiōp

4 ¹Këya, yok aacie dhör ë luoi kënë rin ë Nhialic yen agem ye yo ë lier piände. ²Yok aaci kuc buk kāk ye moony ku kāk kōc rac gup cīi ye lueel. Ee yic yen ayeku lueel kōc nhīim. Ku yen aye kek ye ñic kepuōth ëbën, yeku kōc yīndë ë Nhialic nhom. ³Na cīi kōc kōk Wet Puōth Yam yeku lek kōc ye deet yic, ka kōc cī puōth määar kek aacie ye ye deet yic. ⁴Jōhrac mac kōc piny kënë ya akōl aci kōc kēc gam muör puōth, ku bik ruel ë ben tēnë Wet Puōth Yam cīi ye tiñ, wet yam diik Raan cī lōc ku dōc yen cīt Nhialic guōp. ⁵Yok aaci kōc ye lek rin bī yok rōt lueel, yok aa kōc lek rin Jethu Kritho ke ye Beny. Ku yook ke yo ye aloony tēnë we rin Jethu. ⁶Nhialic yen luel ye athör theer yic ëlä, “Cōl ruel aruel muōth yic.” Yen ë Nhialic tōōñ cōl ruel ñieec kañ aruel yopuōth bī yo nyuōth diik Nhialic ë ruel Raan cī lōc ku dōc nyin.

⁷Ku yok kōc la këpuōth dīit kënë, yok aa cīt tōōny cī cuëec ë tiōp. Ku ë rot looi këya bī nyuōth lōn rieldit apei ë ben tēnë Nhialic, acie yo. ⁸Yok aa kāk jör yo yök ku aacie yo ye rac. Na cōkku kë loiku kuc, ke yok aacie dhör. ⁹Yok aaye cōl agum, ku yok aa kēc Nhialic päl wei. Yok aaci nōk buk la nañ piiny, ku yok aa kēc thou. ¹⁰Kuat te yeku tēek ëbën yok aa ciet kōc bī nōk cimēn Jethu. Këya alëu kōc kōk bik pīr Jethu tiñ yogup. ¹¹Rin yok kōc pīr, yok aa rëer akōlakōl yo cīt kōc bī thou rin Jethu, rin bī pierde tiñ guōpdan bī thou yic. ¹²Këya, yok thou rin bī wek pīr.

¹³Acī gōt athör theer wël Nhialic yic ëlä, “Yen ë jam rin cī yen gam.” Ku rin le yok gam tōñ thōñ, yok aa jam aya rin cī yok gam. ¹⁴Rin añicku Nhialic yen jōt Beny Jethu bī ben pīr, abī yo jōt kek Jethu aya, ku nyeei yo ku we bī yo yāth te rëer yen thïn. ¹⁵Kënë aloi rot ëbën ë rienkun. Aloï rot rin bī dhëēñ ë Nhialic yet tēnë kōc juëc, rin bī kōc juëckä piath ë Nhialic ñic, ku bik aa leec ku dorkë.

Pir rin ë gam

¹⁶Ku rin ë wet kënë yok aacie puōth ë bath cōk alōn thōok rielda amääth-amääth, ke piäthkua aa ber piny akōlakōl. ¹⁷Aterthii yeku ke yök ëmēn, aa guir yook rin pīr akōlriëec bī aterthii kuankä looi bik cīi ye kāñ acin. ¹⁸Rin yok aacie yopuōth ë tääu kāk ye tiñ yiic, yok aa yopuōth tääu kāk cīi ke ye tiñ yiic. Rin kāk ye tiñ aa guō jäl, ku kāk cīi ke ye tiñ aa rëer thïn atheer.

5 ¹Rin añicku lōn guäpkua pinynhom ë ten aa cīt duël ye yok rëer thïn kaam koor. Ku na la duël kënë riääk ke Nhialic abī yo yiëk yōt teden rëer yen thïn, yōn kēc raan looi yecin. Yōn ë looi Nhialic nhom guōp, cīi bī kañ riääk. ²Cīt ëmēn rëer yok yo dhiau, ayeku wic lōn bī Nhialic yo gām gupkuan yam bö nhial. ³Ku rin cīi yok bī ñōñ ë guōp, yok aabī gām guōp yam. ⁴Gupkuan rëer ke yo pinynhom aaci bī rëer thïn atheer. Yok aa dhiau rin kājuëc buk guum. Ku acie lōn wic yok ye buk thou ayic, kë wicku ë lōn bī Nhialic yo waar bī yo gām guōp ë yam bī pīr akōlriëec ëbën. Këya, yok aa wic gupkuan pinynhom bī ke waar guōp bī rëer thïn atheer. ⁵Ee Nhialic yen aci yo guir rin awër kënë. Ku gem yo Weike buk ñic lōn bī yen ye looi.

⁶Këya, yok aa rëer yo deet yopuōth akōlakōl. Ku añicku te rëer yok ë guōpdan kënë yic ë pinynhom ten, yok aa rëer ke yo mec kek ten bī yok rëer thïn kek Beny. ⁷Yok aa pīr ë gam, acie kë yeku tiñ. ⁸Yok aa rëer yo deet yopuōth ku guirku rōt apeï buk guōpdan pinynhom puōl rin bī yok la te rëer Beny thïn. ⁹Adhilku looi buk Beny cōl amit puō pierda yic pinynhom ë ten, ku pīrdan akōldä aya. ¹⁰Rin yok aabī dhiel kōōc Raan cī lōc ku dōc nhom akōl ë luk, bī ñek atem awuōc, tedë ke dōc rin kākken cī looi wäär pīir yen pinynhom.

Nhialic ë kōc cōl amääth kek ye rin Jethu

¹¹Cīt lōn ñic yok ye apeï yen te dhil yok riōōc thïn ë Beny, yen aye yok kōc kōk lek bik kepuōth wël Beny. Beny añic yo apeï, ku aya ñōōth lōn piäthkun yiic wek aa ñic yo aya. ¹²Acie lōn wic yok ye buk rōt ben lek we, wek aa wicku buk we nyuōth kë bī wek aa nhiam ë yo, te rëer wek kek kōc nhiam kāk ye tiñ ku aa liu kepuōth. ¹³Na ye kōc kōk yo tiñ ke yo cī nhīim liääp, ke këda ë rōt kek Nhialic, na lok nhīim cōk, ke këpiathdun. ¹⁴Kāk yeku ke looi, aa yeku looi rin nhier Raan cī lōc ku dōc. Ku ëmēn añicku lōn cī raan tōk thou rin kōc ëbën. Ku këya, kōc ëbën aa rōm thuōnde. ¹⁵Acī thou rin kōc ëbën. Këya, kōc pīr aaci dhil pīr rin bī kek puōth miet ë rōt, ku aabī pīr rienke yen raan cī thou ku ben jōt pīr ë rienken.

¹⁶Ku ëmēn le tueñ yok aaci raan lëu buk ñic cīt te ye tieñ ye. Ku na le kōc ke ñic Raan cī lōc ku dōc ke ye raan wäär rëer pinynhom, ka cie tede këya ëmēn. ¹⁷Te cī raan rot met Raan cī lōc ku dōc, ke yeen aci ya raan cī ben cak. Këtheer aci jäl ku kën yam aci ben. ¹⁸Kënë ee Nhialic yen aloi ye ëbën. Acī yo dōōr kek ye

rin Raan cī lōc ku dōc. Ku yīk ʒo luoi buk kōc kōk dōōr kek ye. ¹⁹ Kē yeku lēk kōc, ee lōn looi Nhialic kōc ēbēn bīk dōōr kek ye rin Raan cī lōc ku dōc. Nhialic akēc awuōōc yekē ke looi kuēec nhīim, ku acī ʒo gām luoi ye lueel te bī ʒok kōc ya dōōr thīn.

²⁰ Kēya, ʒok aa tuc jam nyin Raan cī lōc ku dōc. Acīt Nhialic guōp yen luel wetde ē thuōᅇda. ʒok aa jam rin Raan cī lōc ku dōc, ku ʒok aa thiēc raan ēbēn. “Dōōrkē kek Nhialic.” ²¹ Raan cī lōc ku dōc ē cīn guōp adumuōōm. Ku acī Nhialic looi bī Jethu thou rin adumuōōmkua, rin te met ʒok rōt kek ye, ke ʒok aabī ya kōc la cōk ē Nhialic.

6 ¹ Luoida yic ʒodhie ke Nhialic, wek aa yōōkku, wek kōc cī dhēēᅇ Nhialic yōk bāk cīi cōl adēer nomh piny ē path.

² Rin acī Nhialic lueel, “Akōl wāār wīc ʒen ye ba we kony, ʒen acī rōōkkun ben piᅇ. Ku akōl wāār wīc ʒen we ba we luōk, wek aaca ben kony.” Piēᅇkē, kēnē yen akōl bī wek kuōōny Nhialic yōk, akōl yen akōl bī we luōk.

³ Acuk wīc bī la raan luiku kē jōr ye kēriēec ēbēn yic, rin bī cien raan luel ye lōn cīi luoida path. ⁴ Kēya, ayeku nyuōōth kēriēec ēbēn yeku looi yic lōn ye ʒok kōc lui rin ē Nhialic, rin ye ʒok kārēc ku kārīl ʒo jōōr guum ē path ke ʒo cīi gup tuc. ⁵ ʒok aacī that, ʒok aacī mac ku jōt kōc juēc man luoida aliāāp nhial, ku ʒok aa ʒo ye luui apeī ku cuk nin wakōu ku nek cōk ʒo. ⁶ Ku ʒok aacī rēer ke ʒo cīn gup ajuēec ʒo lir gup, ke ʒo yer puōth, ku detku kāᅇ yīc. Ku Wēi Nhialic acī rēer kek ʒo ku nhierda acīn te diu thīn, ⁷ ee wet yic yen ayeku lēk kōc ē riel Nhialic. Ku kē le ʒok cōk Nhialic nomh yen ē tōᅇ ye ʒok thōr ku kony ʒok rōt. ⁸ Kōc kōk aa ʒo leec ku kōc kōk aa ʒo bui. Kōc aa ʒo jāām gup ku kōc kōk aa ʒo ᅇiec jāām. ʒok aaye yōōk lōn ye ʒo alueth ku ē yic yen ayeku lueel akōlakōl. ⁹ ʒok aaye ciēēᅇ ciet ʒo cīi ᅇic ku ʒok aa ᅇic apeī, ayekē lueel lōn thou ʒok, ku tieᅇkē, ʒok aa ᅇot ʒo pīr. Aa ʒo baᅇ apeī ku aacie ʒo ye ʒēet wei, ¹⁰ ʒok aa rēer ke ʒo mit puōth akōlakōl agut akōl guum ʒok thīn. Na cōk alōn ᅇōōᅇ ʒok ke ʒok aa kōc juēc looi bīk jak, na cōk alōn cīn ʒok kāᅇ, ke ʒok aa ᅇot ʒo la kārīēec ēbēn.

¹¹ Māthkien gen Korinth! Wek aa cuk lēk alanden ʒo lāāu puōth. ¹² Nhierda tēnē we akēc yit, aa wek aacī nhierdun tēnē ʒo yit. ¹³ Cīt ēmēn lēu ʒok puōth tēnē we, wek ayōōk ciet we ye miethkie, bāk puōth lāāu aya.

Duk met kek kōc kuc Nhialic

¹⁴ Duōkkē rōt mat kek kōc kēc wet Jethu gam. Yeᅇō kōc la cōk Nhialic nomh kek kōc cīi la cōk mat? Yeᅇō ruel ku muōōth cōl aaye tōk? ¹⁵ Le mānh tō kam Raan cī lōc ku dōc kek jōᅇrac? Yeᅇō rōm kōc Krīthiaan kek kōc cie Krīthiaan? ¹⁶ Yeᅇō luāᅇ rēer Nhialic thīn cōl arām kek luāᅇ kōc ye ke jak cī kiēet door thīn? ʒok aa luāᅇ rēer Nhialic thīn. Cīmēn cī Nhialic ye lueel ēlā,

“ʒen abī paandīe looi ke kackīe

ku rēer ke keek

ʒen abī ya Nhialicden

ku wek aabī ya kackīe.”

¹⁷ Ku lueel Beny aya,

“Wek aa dhil jāl kam kōc kēc gam

ku tekkē we thook tēnē keek.

Duōkkē kē la guōp acuōl rin adumuōōm ye gōōt,

ku wek aaba gam.”

¹⁸ “ʒen abī ya wuurdun, ku wek aabī ya wātkie ku nyierkie,” lueel Beny Madhōl.

7 ¹ Māthkie, Nhialic acī kākkā thōn ēbēn. Kēya wuunyku ʒogup wei kārēc yeku looi, bī guāpkua ku weikua yīc cien ajuēec. ʒok aa dhil Nhialic theek ku themku buk pīr ē pīr la cōk Nhialic nomh.

Akut kōc cī gam ee Paulo cōl amit puōu

² Lāāukē puōth tēnē ʒo. Acīn raan tōᅇ cuk luōi awuōōc, acīn raan tōᅇ cuk kum thok, ku acīn raan tōᅇ cī ʒok kēde nyaai dhēl ruēēny. ³ Te jieem ʒen kēlā ka cie wek nyieeny, rin aca lueel wāthēer lōn nhierda tēnē we aacie yit ʒopuōth. Alēuku buk pīir ku thouku kek we. ⁴ Aya yōk aleu ba jam tēnē we kecīn kē muōōny, ʒen anhiam ē we, wek aa ʒen deet puōu apeī, cōk alōn le yen kārēc ʒa yōk, ke ʒen amit puōu apeidīt.

⁵ Agut wāār cōk ʒok ʒēēt Mathedonia ʒok kēc gup kaᅇ la lāᅇ. ʒok aa ʒo cī rōm kek ater juēc ku agōth ke kōc kōk, ku riōōc ʒopuōth. ⁶ Ku Nhialic yen kōc cī puōth mum deet puōth, acī ʒo ben deet puōth rin cī yen Tito ben cōl abō tēnē ʒo. ⁷ Acie bende yen cī ʒo ben cōl amit puōth ē rot, te cī wek ye deet puōu thīn acī ʒo

yuum puõth aya. Acī lek yen lɔn wic wek ye apeī ba we la neem, ku te cī wek puõth riëek thīn rin kāk cī röt looi tēnē ya, ku lɔn wic wek ye apeī bāk ya kony. Kēya, emēn yen acī puõu miet apeidit.

⁸ Yen acī rot gāk cök alɔn cī athör wäär ca gät we we cöl arem puõth, yen aa ya cī rot gök tueŋ, rin cī athördie we reem puõth, rin anjiec rem ē puõu rin athör ca göt acī guo ben jāl wepuõth. ⁹ Ku emēn yen amit puõu, ku acie rin cī yen we cöl arem puõth, ee rin cī areem ē puõu we cöl adhuk wepuõth ciëen. Arem ē puõu acī rot looi ke cīt kē wic Nhialic. Ku kēya, acin kēreec cuk looi tēnē we. ¹⁰ Rin areem puõu ye Nhialic beei tēnē we, ee we cöl adhuk wepuõth ciëen bī we luök, ku acin agääk rot ē teen. Ku na ye we reem puõth rin wic wek ye bāk ke ya looi kāk pinynhom, ke areem puõu kēnē ē we cöl aloi adumuõm ku mer weikun.

¹¹ Tieŋkē kēnē wic Nhialic areem ē piändun yic. Wek acī puõth tūr. Acäk wic bāk kaŋ cök piny. Wek aaci puõth riääk rin kēreec cī kuõc looi. Wek aaci ya riõc ē Nhialic ku yakē wic apeī ba la tēnē we. Ku dhielkē looi bāk raan cī kēriëec ebēn looi tem awuõc. Acäk nyuõth lɔn kēnē cäk looi kēriëec ebēn yic ē ye tede.

¹² Kēya, na cök a wäär cī yen ke athör kēnē göt, ka cie rin raan wäär cā awuõc looi ku acie rin akut cī luõi kērac, ee rin bāk te ye wek diir thīn ē yen nyuõth Nhialic nhom. ¹³ Kēnē, yen acöl yo adeet yopuõth.

Ku det aya, deet ē piända, yok aaci puõth ben miet apeī wäär piŋ yok te cī Tito puõu mit thīn, ku te cī wek ebēn ye ben dhuök puõu piny thīn. ¹⁴ Wek aa we ca leec tēnē ye, ku wek aa kēc yen cöl ayär guõp. Wek aa yeku lek yith akölaköl, ku yen amit puõu rin lec wäär yen we leec acī ya yic. ¹⁵ Kēya, nhierden nhieer yen we, ee rot juak apeī te tek yen we te ye wek ye theek thīn ku piŋkē wetde, ku te cī wek ye luor thīn abī we aa lath. ¹⁶ Yen amit puõu rin nõõth yen we.

Ajuer rin akut koc cī gam Judia

8 ¹ Miethakāi, awicku bāk te cī Nhialic dheŋde nyuõth thīn tēnē akuut koc cī gam Mathedonia njic. ² Cök alɔn cī karec apeī ke yök, ku wēn cök kek aa koc nõŋ aya, aake ye puõth miet apeī te miõc kek. ³ Aleu ba lek we ayic lɔn kek aake ye miõc bik kākken lik mukkē aa dhuol wei. Ku ayekē looi piänden ē röt. ⁴ Ku keek aake ye yo lac thiëec lɔn anhiarkē aya bik la kāk yekē ke gam tēnē koc ē Nhialic Judia. ⁵ Aaci röt kaŋ gām Beny Jethu tueŋ, ku jol Nhialic ke cöl aa gem röt yo tecit te wic ye. Ee cuk ye tak lɔn bī kek kāk cīt kākka gam. ⁶ Kēya, ku jolku Tito raan wäär jök ē luoi kēnē thiëec bī la tueŋ kek ye, ku kony we bāk luoidun path kēnē thääp. ⁷ Wek aa la gamdit. Anjiekē apath yen te ye wek ye lek koc thīn. Wek aa la njiecdit cī wek röt gam puõu ebēn, ku nhiarkē yo. Wek aa kəriëec ebēn njiec looi apath. Ku kēya, wek aa wicku bāk miõcdun muk thīn.

⁸ Acā ye lueel lɔn dhil wek ye looi, ku awiëc ba nyooth te nhieer koc kōk ye thīn bik kony. Kēya, awiëc ba njic te ye nhierdun yic thīn. ⁹ Wek aa njic dhëŋ Bányda Jethu Kritho cök alɔn yen ajak, ka cī ben a raan nõŋ ē rienkun, ku bī njääŋde ya kē yök wek jieek.

¹⁰ Wetdie, apath bāk kēwäär cäk jök runwäär thääp. Aa wek koc tueŋ cī luoi kēnē jök, ku acie jök ē rot ē tō wepuõth bāk luui kēya. ¹¹ Emēn, thääpkē luoi wäär cäk jök. Luwikē kē nhiarkē wepuõth cīt tewäär cäk guiër ye kāk muõkkē ke emēn. ¹² Na wic ba miõc, ke Nhialic agam kēdun ba gam kēdun tō thīn yic wic ba gam, ku acie kē liu thīn.

¹³ Acā ye lueel lɔn ye we jöt yiëth kathiëk rin bī koc kōk kăpuol muk. ¹⁴ Kē lueel ē lɔn na lak kăjuëc emēn, ke we kony koc cīn kaŋ rin na lek kăjuëc aköldä, ke ke kony we aya. Kēlä, ke wek aabi röt kony wedhie ebēn. ¹⁵ Cīmēn ye athör theer wël Nhialic ye lueel ëlä rin miëth cī Nhialic gām koc Itharel wäär ror lieet, “Raan cī kăjuëc kuany acin kāk cī ben döŋ piny, ku raan cī kāklik kuany acī ben la kāk wic.”

Tito ku koc kōk aaci tuõc Korinth

¹⁶ Yen alec Nhialic rin cī yen Tito cöl anhiar we bī we kony, nhier thõŋ ke nhier nhieer yen we. ¹⁷ Rin yok aaci Tito thiëec bī la tēnē we, go gam. Ku ē wic bī cak la aya ē rot. ¹⁸ Ku yok aa toc wämääth cī gam kek ye, raan theek akuut koc cī gam ebēn, rin ē yen Wet Puõth Yam lek koc. ¹⁹ Ku yeen aya ē raan cī akuut koc cī gam kuany bī cath kek yo te yeth yok kuõnydan yeku looi bī Beny nhom guõp leec, ku nyoothku te nhierku luoi buk aa kony. ²⁰ Acuk wic bī la koc jiëem yogup te ye yok kāk cī juaarkä njiec luõi thīn. ²¹ Awicku bī ya kē la cök yen yeku looi, ku acie Beny nhom ē rot ee raan nhom ebēn.

²² Kēya, yok aa toc wämääth det ke ke, wämääth cuk them arak juëc dhöl juëc ku acuk yök ke ye raan nhier kuõny. Ku cīt emēn njic yen we apeī, anhiëer bī we kony aya apeī. ²³ Tito ē raan ye yok röm ku alui kek yen bī we kony, ku miethakāi cath ke ye, aa koc tō nyin akuut kōk, ku aa lec Raan cī loc ku doc. ²⁴ Nyuõthkē ke nhierdun rin bī akuut koc cī gam tiŋ ku njickē, kē ye yok nhiam ē we.

Guiër kuöony tēnē kōc cī gam Judia

9¹ Acā wic ba get tēnē we rin kuöony bāk looi tēnē kōc cī gam Judia. ² Rin anjiec atō wepuōth bāk kony, ku wek aaca læc tēnē kōc Mathedonia. “Aca lek ke, Miethakāi cī gam pan Akaya ē wickē bik kuöony guo jōok runwäär.” Ku luoidun nhieer wek ye bāk kony, acī kōc juēc apei kamken wel puōth thīn bik kony aya. ³ Ēmēn yen atoc miethakāi cī gamkā rin bī læcdan ye yok we leec cī ye lueth. Ku cīt lōn cī yen ye lueel, wek aabi yōk ke we cī kuöonydun guiir. ⁴ Rin na le kōc Mathedonia la kek yen Korinth, ku yōkkē we ke we kēc rōt guiir, ke yok aabi gup yār apei te yōk kek kē ye yok we leec ke kēc rot looi, ku pāl yār ē guōpdun ŋic yok we apei. ⁵ Kēya, aca tak lōn puōth yen ba wāmāthakua cōl aala tēnē we ŋanhom tueŋ, bik wēu cāk lueel kaŋ kuōt yiic. Na jāl la ke yōk keek ke cāk mat yiic, ku abī rot nyooth lōn ē wiēckē bāk looi piāthkun ke cī lēk we.

⁶ Anjiekē apei lōn raan pur domdīt ē rap juēc tem, ku raan pur domkoor acīn rap juēc ye tem. ⁷ ŋek adhīl kēden bī gam cī guiir yepuōu ēbēn gam, ke cīi nhom thiek tedē ke mec ye, rin Nhialic anhiar raan kēde gam puōu ēbēn. ⁸ Ku alēu Nhialic bī gām kājuēc apei, ku yīn abī la kājuēc path ye yīn kōc kony akōlakōl.

⁹ Cīmēn ye athōr theer wēl Nhialic ye lueel ēlā,

“Acī kōc ŋōŋ kony puōu ēbēn, ku yeen abī rēer ke la cōk akōlriēc.”

¹⁰ Ku Nhialic ē kōth cōl alok bik ya miēth ye cam abī kākkun juak yiic, ku abī we cōl aala cōk apei, bāk kājuēc ya gam tēnē kōc wic kuöony. ¹¹ Abī Nhialic looi bāk jak apei kēriēc ēbēn bāk aa abiōkrueel akōlakōl. Ku kōc juēc aabi Nhialic leec te le yok kuöonydun cāk wic puōu ēbēn gām ke. ¹² Te luui wek kēlā, ka cie kāk wic kōc cī gam kek yakē ke lēu ē rōt, wek aa kōc juēc cōl alec Nhialic. ¹³ Ku rin luoidun puōth cī wek rōt nyuōth, kōc juēc aabi Nhialic leec rin looi wek kā wic Wet Puōth Yam Raan cī lōc ku dōc wäär cāk gam, ku ramkē ke ke ku raan ēbēn. ¹⁴ Ku rōkken yiic ē rienkun aabi kepuōth wel rin dhēēŋdīt cī Nhialic gām we. ¹⁵ Lecku Nhialic rin miōcdīt cīn kē thōŋ kek cī gām yo.

Paulo ē luōide kony lōn puōth yen

10¹ Wek alāŋ ē puōu ēbēn yen Paulo rin lier puōu Raan cī lōc ku dōc, cōk alōn ye kōc kōk kamkun ye lueel lōn ye yen riōc te rem yen ke we, ku ya wēl tuc lueel te mec yen. ² Wek alāŋ na la ben tēnē we ke yen acīi bī ben jam wēl tuc apei tēnē kōc kōk kamkun, cīt te ya tāk ye lōn dhil yen ya tede, rin ye kōc kōk ye lueel lōn piir yok pīr pinynhom ten. ³ Ee yic yok aa kōc pīr pinynhom ten, ku yok aacie thōr cīt te ye kōc ē pinynhom thōr thīn. ⁴ Riel ye yok thōr acie rieldan pinynhom, ee riēdīt ye Nhialic yiēk yo yen aye yok kāk bāāny Nhialic gēl nhom gōok. Yok aa luethken yekē ke lueel rac ēbēn. ⁵ Yok aa tektek kanhiaam cī wet Nhialic thany piny rac. Ku dōmku kuat tektek kēnē cīmēn raan ater dhie ye dōm tōŋ yic, ku loiku bī Raan cī lōc ku dōc theek. ⁶ Ku te tiŋ yok ye ka athēkdun cīn yic diu, ke yok aabi kuat raan yeku yōk ke dhāl wet Nhialic ē yic tem awuōc.

⁷ Wek aa kāŋ tiŋ kōth ayeer. Na le raan ye gam alanden lōn ē yen raan ē Raan cī lōc ku dōc, ke cōl atak kē looi yic apath, rin yok aa kōc Raan cī lōc ku dōc aya cīmēnde. ⁸ Yen acī guōp ye yār te cōk yen jīem kanhiaam riel cī Beny gām yo. Riel cī gām yo ee riel bī yok gam cōk piny ku cīi we rec. ⁹ Awiēc bāk cīi tak lōn wic yen ye ba we riāac athōr ya gāt we. ¹⁰ Aye raan det lueel, “Athōr Paulo aaye gōt ke thiek yiic, ku te rēer yen ke yo ē kōc ku welke aacie riel!” ¹¹ Adhil raan kēnē deet yic lōn acīn kē wāac athōr ya ke gōt te mec yen, kek kē ba looi te ben yen dhuk tēnē we.

¹² Acuk wic buk rōt thōŋ kek kōc rōt leec kamken ē rōt. Acīn kē ŋickē. Keek aa læcde thōŋ kamken ē rōt ke cie lec Nhialic. ¹³ Kēya, yok aacīi bī nhiam ku jīemku kāk liu luoi cī gām yo yic buk looi. Nhiaamda abī nhom pēk luoi cī Nhialic yiēk yo yic. Ku ala yic luōida yen loiku kamkun. ¹⁴ Yok aacīi bī nhiam apei cīt ten bī yen ke rot luōi thīn tēnē kēc yok ben tēnē we, rin cī yok Wet Puōth Yam rin Raan cī lōc ku dōc beei tēnē we. ¹⁵ Ku yok aacie nhiam luoi cī kōc kōk looi. Kē yeku ŋōōth ē lōn bī gamdun rot juak rin bī luōida ē kamkun rot juak apei ku thiēi piny. ¹⁶ Ku buk lēu buk Wet Puōth Yam la lek kōc beei mec ke we, rin acuk wic buk nhiam luoi cī Nhialic gām kōc kōk bik looi beei kōk yiic.

¹⁷ Ku cīt lōn ye wēl cī gōt athōr theer wēl Nhialic yic ye lueel ēlā, “Raan wic ye bī nhiam adhīl nhiam rin Beny.” ¹⁸ Rin raan rot leec ē rot acie yen ye gam, ee raan ye Beny leec.

Paulo ku kōc rōt cōl aaye atuuc

11¹ Awiēc bāk kē ca wuōc guum, te cī yen kāŋ duer kuc. Wek aa lāŋ bāk looi kēya. ² Yen aye tiel dōm te tiŋ yen kōc kōk ke wickē bik we muōr, ku ē yen lōn ē Nhialic aya. Wek aa cīt nyen bīm ca lōc

muony tök bi thiaak, yen Raan ci loc ku doc. ³Wek aa ñic anyiköl wäär duöñj këpiiny Eba ë pel nyinde. Yen ariöc lon bi wek ciet kënë. Wek aabi duöñj ku pälkë nhierdun nhieer wek Raan ci loc ku doc. ⁴Ayakë guo nhiaar ku gamkë te bii raan det bi we ben lek Jethu det cie yen Jethu cuk lek we. Ku wek aa puöth miet ku täaukë wenhiim piny ku gamkë wëi ku wet, käk cie Wëi ku Wet Puöth Yam wäär cuk lek we.

⁵Aya tak lon kockä yakë ke tiñ ciet kek aa tuucdit, aaciï dit tënë ya acin, ku acä ye tak lon aa tuuckun kä aa loi luoi path wer kek ya. ⁶Tedë, yen akëc piöc ba ñiec ajam apath koc nhiiim, ku yen anjic kañ. Kënë aca nyuöth we käjuëc yiic ë dhöl juëc yiic.

⁷Wek aa kec kañ thiëc bäk ya riop wäär lëk yen we Wet Puöth Yam ë Nhialic. Yen aci rot dhuök piny ku luöi ë path rin bi wek aa kocdit. Ye këracc yen ca looi? ⁸Tewäär luui yen ë kamkun, yen a ya ye koc akuut koc kök ci gam riop. Aake ya rum bi yen we ben kony. ⁹Ku wäär rëer yen kek we, acin raan ca rääm nhom bi ya kony. Miethakäi ci gam wäär bö Mathedonia aaci këriëc ebën wiëc ke beei tënë ya. Acin kë ca kañ thiëc tënë we, ku yen aciï rot bi kañ der weyiëth acin. ¹⁰Ku cit ëmën rëer yiny Raan ci loc ku doc kek ya, acin raan pan Akaya bä pëen ba ciï jam kanhiaam këlä. ¹¹Të lueel yen ye lon yen aciï rot bi kañ der weyiëth, ke ye rin ciï yen we nhiaar? Anjic Nhialic lon nhieer yen we!

¹²Yen abi la tueñ ke ya loi kë luöi ëmën, rin bi kockä cien kë ye kek nhiam, lon ye kek luui cimënda aya. ¹³Kockä aacie atuuc acin. Aa koc wëñ luoiden yic, ku loikë röt ciet ke ya atuuc Raan ci loc ku doc. ¹⁴Acin kë gei koc thin! Na cok a Beny jakrec ka loi rot bi ciet atuny nhial ë yer beei. ¹⁵Këya, acin këril tö thin te ye atuöcke röt col aaye atuuc luoi la cok. Ku keek aabi awuöc thöñ kek kækken loikë ke yök aköldä.

Të ci Paulo guum thin ke ye atuuc

¹⁶Aca lueel wäär ku aben ber yic, acä wic bi la raan ye tak lon cin yen kë ñiec. Ku na yakë tak lon cin yen nhom, ke we päl ya ba nhiam kækken ya lek we. ¹⁷Të ye yen rot leec këlä, ke yen ajam cimën raan ciï kañ ñic. Ku acie te wic Beny ye thin. ¹⁸Ku ëmën ye koc kök jam ë nhiam cit te ye koc pinyhom jieem thin, aba looi këlä aya. ¹⁹Wek aa ñic kañ apeï ku añot nhiarkë bäk wël koc kuc kañ buöth yiic. ²⁰Wek aa wël raan we loony gam, raan kækken cam, raan rot col aril ë we, raan nhiam rot täau tueñ raan na cok we ñuööt nyin, ka ñot cin kë mankë thin. ²¹Yen aci guöp yar ba gam lon yen akëc kækä looi.

Kë ye raan det wic bi yenhom lec ye, ke yen alec yanhom ye aya. Yen ajam ëmën ciet ya kuc kañ. ²²Na yekë kuat Ibru, ke yen ë Ibru. Na yekë koc Itharel, ke yen ë raan Itharel. Ku na yekë dhiënh Abaram, ke yen ë raan Abaram aya. ²³Ye kë koc lui rin Raan ci loc ku doc? Yen ajam jam raan ci muöl, ku yen ë raan ë luoi ñueen tënë ke! Yen aci luui luoidit apeï tënë ke. Ku yen aci mac arak juëc tënë ke. Ku yen aci that thändit apeï tënë ke, ku duer thou arak juëc. ²⁴Yen aci that waat thiärdiäk ku dhoñuan arak dhiëc koc Judeo. ²⁵Ku koc Roma aaci ya that arak diäk atuel. Ku biöök ya aleel arak tök. Ku riäi ëci riäak wiir arak diäk ke ya weer thin. Ku arak tök, yen aca aköl ku weer thöl wiir. ²⁶Ku akööl kök cäthdie yic, yen aci röm kek käjuëc koc nöc. Ku duer mou wër yiic, ku duër cuer ya rum. Ku duër kockien Judeo ya nöc. Ku duër koc cie kackie ya nöc. Ku yök käk koc nöc geeth ku beei yiic ku Adekdiëet yic. Ku tënë koc röt looi ke cit koc ci gam. ²⁷Yen ë ya ye luui apeï ba guöp thiai ku cä ye nin aköldet, yen ya ye cok nöc ku rou. Ku yen ë lac rëer ke cin miëth ku te niin yen thin. Ku yen ya ye rëer ya nek wiir rin cin yen aleth juëc ya kony ë wiir. ²⁸Ku käjuëc koc acä luel, yen ë rëer ya tek akolaköl rin akuut koc ci gam ebën. ²⁹Të niöop raan gam yic, ke yen ë rot yök ya riop aya. Ku te col raan raan det aloi adumuööm, ke yen ë rëer ya rem puöu apeï.

³⁰Na le kë col yen ajam ë nhiaam, ka käk ye nyooth lon yen aciï ril. ³¹Anjic Nhialic, Wun Beny Jethu lon ciï yen lueth yen lueel. Bi rienke aleec atheer. ³²Wäär tö yen Damathkuth, beny reer ë Benyñaknhom Aretath cok ë cä apuruuk ë geu tiit tööu kal thok bik ya döm. ³³Ku yen aci ben täau alom yic, ku lueñ yen teyör päny kou ku kwal rot.

Paulo acie nhiam käk ci nyuöth ye

12 ¹Yen abi dhiel la tueñ ya jam ë nhiaam cok alon cin yen këpuöth ye yök thin. Ku ëmën yen abi jam käk ca tiñ ci nyuöth ë Beny. ²Anjic ruöñ thiäär ku ñuan ci bar, raan ci gam ëci jot ku yeth temec apeï pan Nhialic. Acä ñic ayic lon ë yen guäpde ku lon ye kek weike kek ci la nhial, ee Nhialic yen anjic ye. ³⁻⁴Cimën awën ci yen ye lueel, anjic yen raan kënë aci jat pan Nhialic. Ku aber yic, acä ñic lon ë yen guöp ebën, tedë ke ya abañ guöp yen ci yäth pan Nhialic, ee Nhialic yen anjic ye. Ku teen aci käk ciï raan lëu bi ke kuany yiic yethok piñ, käk ciï pëen bi ke ciï luel. ⁵Alëu ba jam ë nhiaam rin raan cit kënë, ku yen aciï nhiam ë rienkie, rin na luöi këya, ke pial yic die. ⁶Na wiëc ba nhiam këlä, ka cie lon kuc yen kañ rin ë yic yen aba

lueel. Ku yen aciï bi nhiam rin acä wïc bi la raan ye tak lon ñic yen këriëec ëbën, ke cie kë cäk tiñ ke luooi tedë ke lueel.

⁷ Yen aci nyuöth käjuëc, këya yen aci yen këril ya tuöm cõt kou ben yök. Acit lon ci atuny Beny jakrëc ben bä ben that ku gël yen ba cii nhiam. ⁸ Yen aci Beny löñ arak diäk bi kë bañ yen nyaai. ⁹ Ku aci ben beer, “Ee dheendie yen awiëc, rin riëldie aye jal gam apei te ñic raan ye lon cii yen ril.” Këya yen amit puöu ba nhiam wet ci yen ril rin bi yen riel Raan ci löc ku döc ya tiit lööny yaguöp. ¹⁰ Yen ë puöu miet te cii yen ril, ku te læt yen, ku te le yen këreec cä yök, ku te guum yen, ku yök käril kök rin Raan ci löc ku döc. Rin te niöp yen ke yen ë riëldie.

Paulo ë dieer koc ci gam gen Korinth

¹¹ Yen ë ya cit raan cïn kë ñic wäär ë yen yanhom læc. Ku aa wek cä cöl alui cimën raan cïn kë ñic. Ku ñuöt aa wek aa cä læc ke. Cök alon ye yen raan cie kuëec nhom, ke yen aciï tö ciëen tënë atuuckun yakë yök ciet kek ñic kañ. ¹² Käk raan nyuöth lon ë yen atuuc cimën käk koc göi, ku käk riel Nhialic nyuöth, aaci röt looi ë kamkun amääth-amääth. ¹³ Yeqö ca looi rin akuut kök koc ci gam kec looi ë rienkun, cie kë këc yen kuöony wïc tënë we? Pälkë awuöc ca looi piny tënë ya.

¹⁴ Kënë yen abi nemdie yic a diäk tënë we ku acin kë ba wïc bi wek ya kony. Aa we nhiiim wek aa wiëc ke, aacie wæeukun. Aacie miith kek dhil koc ke dhiëth ke muöc, aa koc ke dhiëth kek aadhil miith muöc. ¹⁵ Yen abi puöu miet ba we gäm käñ ëbën ayi pierdie. Na nhiaar we apeidit këlä, ke nhierdun tënë ya bi kuur?

¹⁶ Abäk gam lon këc yen rot tääu weyiëth. Ku abi raan det lueel lon ci yen wet puök köu piny ku deep we ë lueth. ¹⁷ Ye këdë, le raan ca tuöc we, le raan ci we la ruëeny ë rienkie? ¹⁸ Yen aci Tito löñ bi la, ku cal wämääth det ci gam ala kek ye. Ci Tito we ruëeny. Cii Tito ku yen kë tö yopuöth ye looi ë dhël töñ thön?

¹⁹ Tedë ayakë tak tetheer wäär lon wïc yok ye ku buk röt kony wenhiim. Acie tede! Yok aa jam cit te wïc Raan ci löc ku döc ye buk jieem thin ke yo dæi Nhialic. Ku käk yeku ke looi ëbën mäthkuan nhiarku ke, aaye looi rin bi we kony. ²⁰ Yen ariöc puöu ciet ba yök ke te ye wek ke luui thin cii yen bi yuum puöu te le yen ben, ku te ye yen ke luui thin aciï we bi yuum puöth aya. Yen ë dieer ciet ye agöth, ku tuöc ë puöu, ku nhier ë rot ku tiel ku læt ku luööm ku nhiaam ku aliäap kek ba yök. ²¹ Yen ë puöu riöc ciet Nhialic ya luöoi bä cöl ayär guöp te ben yen we la neem. Ku yen abi puöu löny rin koc juëc aa ñot ke këc adumuöömken theer puöl, käk bal cii path.

Lëk ciëen

13 ¹ Kënë, yen abi nemdie yic ya diäk tënë we, “Ku kuat awuöc ye lueel raan guöp adhil a kën ci koc karou, tede ke ye koc juëc kañ tiñ.” Cit te ye wël ci göt athör theer wël Nhialic ye lueel thin. ² Wäär le yen we neem kën ye nem yic rou, yen aci koc kërec looi ku kuat raan det lek bik cii ben la tueñ ke loi kakkä. Ku wek aa ben lek ëmën mec yen ke we. Te ben yen la ka cïn raan kërec looi ba puöl ke cä tëm awuöc. ³ Abi këne dhiel nyooth tënë we lon yen ë jam rin Raan ci löc ku döc. Te cök yen we ka cii bi niöp, abi riel apei. ⁴ Ee yic, ee cïn riel wäär piëet ye tim ci riü köu, ku ëmën apir riel Nhialic yic. Yok aa cïn riel ë röt cimën wäär cïn Raan ci löc ku döc riel. Ku ëmën ci yok ya tök kek Raan ci löc ku döc, yok aabi la riel Nhialic te luui yok kek we.

⁵ Wieckë bäk yen them, dhielkë röt them ë röt ku abäk yök lon Raan ci löc ku döc areer kek we. Na cie këya, ke wek aaci mää. ⁶ Ku abäk yök aya lon acie kërac yen cuk looi wäär bii yok Wet Puöth Yam tënë we. ⁷ Yok aa röök rin cïn yen këreec bäk looi, ku acie lon wïc yok ye buk röt nyuöth ke yo ye atuuc path, yok aa röök bi ya këpath yen yakë looi cök alon ye yo tiñ ke yo ci kuöc luui. ⁸ Yok aa këc Nhialic yiëk riel bi yok wet ë yic rac, yok aaci yiëk riel bi yok yic yäth tueñ. ⁹ Cök alon koc yok, ke yok aa puöth miet te ril wek, ku yok aa röök lon bi wek röt ben cök. ¹⁰ Këya, yen aget athör këne ke ya mec tënë we, rin na la yet ke ya cii ben jam wël rec tënë we ë riel ci Beny gäm ya, riel bi yen we cöl aala cök gamdun yic, acie riel rec yen we.

Muöth ciëen

¹¹ Ku ëmën miethakäi, mietkë puöth. Yiëkkë wenhiim luoi la cök, piënkë welkie, yakë röt piëñ wël ku reerkë ke döör ë kamkun. Ku Nhialic ë nhier ku döör gam abi rëer ke we.

¹² Miäthkë röt ë kamkun muöth koc ci gam. Koc Nhialic ëbën reer ë ten aa we muööth.

¹³ Bi dhëñ Bänйда Jethu Kritho ku nhier Nhialic ku Weike rëer ke we ëbën.